



www.BibleForChildren.org



यूहन्ना 14



यीशुए आपणे चेलेया खे बोलेया, “तुसा रा मन बेचैन नि ओ, तुसे परमेशरो पाँदे विश्वास राखोए, मां पाँदे बी राखो। मेरे पिते रे कअरो रे बऊत जगा ए रणे खे, जे ऊँदी नि तो मां तुसा खे बोली देणा था, कऊँकि आऊँ तुसा खे जगा त्यार करने जाऊँआ और तेती जाई की तुसा खे जगा त्यार करने ते बाद मां तुसे आयी की आपू साथे लयी जाणे खे फेर आऊणा, ताकि जेती आऊँ रऊँ, तुसे बी मां साथे तेथी रओ।”




आऊँ यूहन्ना जो तुसा रा साथी विश्वासी पाई और यीशुए खे क्लेश
सईणे और परमेशरो रे राज्य रे और सब्रो रे तुसा रा साथी
ए। आऊँ परमेशरो रे वचन और यीशुए री गवाईया

री बजअ ते रोमी अगुवो रे जरिए
कैदिया रे रूपो रे पतमुस


नाओं रे टापूओ
रे पेजी ता था।




आँऊ तेबुई पवित्र आत्मा ते परी गा। मैं स्वर्गो रे एक सिंहासन देखेया
और तेस सिंहासनो पाँदे कोई बैठी रा था।




तेबे मैं स्वर्गों रे, तरतिया पाँदे, तरतिया ते थाले, समुद्रो रिया सब
बणाई रिया चीजा खे और सब कुछ जो तिना रे ए, ये बोलदे ऊए
सुणेया, “जो सिंहासनो पाँदे बैठी रा, तेसरा
और मिंटूए रा धन्यवाद और आदर,
महिमा और राज्य जुगो-जुगो तक रओ।”




तेबे मैं पवित्र नगर यरूशलेम स्वर्गो पाँदो ते परमेशरो गे ते उतरदे
देखेया और से तेसा लाड़िया जेड़ा था, जो आपणे लाड़े री तंई श्रृंगार
करोई। तेबे मैं सिंहासनो ते कोई जोरे की ये बोलदे ऊए सुणेया कि देख,
परमेशरो रा डेरा मांणूआ बीचे ए, तेस तिना साथे डेरा करना, सेयो
तेसरे लोक ऊणे, परमेशर आपू तिना साथे रणा
और तिना रा
परमेशर ऊणा।



तेबे स्वर्गदूते माखे बिल्लौरो जेड़ी छलकदी ऊई जिन्दगिया रे पाणिए
री एक नदी दखाई, जो परमेशर और मिंटूए रे सिंहासनो ते निकली
की तेस नगरो रे बीचो-बीच बहूओ थी।



तेस नगरो रे सूरज और चाँदो रे प्रयासे री कोई जरूरत निए, कऊँकि
परमेशरो रे तेजो ते तिदे प्रयासा ओआ और मिन्हू तिजी रा दिऊआ ए।




तिदे कोई अपवित्र काम करने वाला या घृणित काम करने वाला, या
चूठ बोलणे वाला किंयाँ बी जाई नि सकदा। पर बस सेयो लोक ई जाई
सकणे, जिना रे नाओं मिन्दूए री जीवनो
री कताबा रे लिखी राखे।




तेस तिना री आखी ते सारे आसू
टूसणे, इजी ते बाद मौत नि रणी,
ना शोग, ना बिलाप, ना पीड़ रणी,
पईलकिया गल्ला चली गया।




फेर स्राप नि ऊणा, परमेशर और मिन्दूए रा सिंहासन तेस नगरो रे
ऊणा और तेसरे दासा तेसरी सेवा करनी। तिना परमेशर आमणे-सामणे
देखणा और तेसरा नाओं तिना रे माथे पाँदे लिखे रा ऊणा।



तेबे मैं छोटे-बड़े सब मरे रे सिंहासनो सामणे खड़े रे देखे, और कताबा खोलिया। तेबे एक ओर कताब खोली गयी, मतलब-जीवनो री कताब। और जेड़ा तिना कताबा रे लिखी राखेया था, तेड़ा ई तिना रे कामो रे मुताबिक मरेया रा न्याय कित्तेया। और जेस केसी रा नाओं जीवनो री कताबा रे लिखेया रा नि मिलेया, से आगी री झीला रे पायी ता।



परमेशरो रा आत्मा और मिन्हूए री लाड़ी दोनो यीशुए खे बोलोए,
“आ!” और सुणने वाला बी बोलो कि “आ!” और जो त्याया ए, से आओ
और जो कोई चाओ से जिन्दगिया रा पाणी मुफ्त लओ।



तेसखे चेतावणी मिली और से गलील देशो खे
चली गा। तेबे से नासरत नाओं रे नगरो रे बसी
गा, ताकि भविष्यबक्ते रे जरिए बोलेया रा
वचन पूरा ओ कि, “तेसखे नासरी
बोलेया जाणा।”



रोमियों 3:23

कऊँकि सबी पाप करी राखेया और परमेशरो री महिमा ते दूर ऊईगे रे।

रोमियों 6:23

कऊँकि पापो री मजदूरी तो मौत ए, पर परमेशरो रा बरदान आसा रे प्रभु
यीशु मसीह रे अनन्त जीवन ए।

इब्रानियों 9:27

जेड़ा माणूए खे एक बार मरना और तिजी ते बाद न्याय रा ऊणा नियुक्त ए,



इफिसियों 2:8,9

कऊँकि विश्वासो रेई जरिए कृपा तेई तुसा रा उद्धार ऊई रा और ये तुसा री तरफा ते निए, बल्कि परमेशरो रा दान ए। और ना कामो री बजअ ते, एड़ा नि ओ की कोई कमण्ड करो।

रोमियों 10:9,10

जे तूँ आपणे मुंओ ते यीशुए खे प्रभु जाणी की अंगीकार करेगा और आपणे मनो रे विश्वास करेगा कि परमेशरे से मरे रेया बीचा ते जिऊँदा कित्तेया, तो तेरा पक्का उद्धार ऊणा। कऊँकि विश्वास दिलो ते करेया जाओआ जेतेरा नतीजा धार्मिकता ए और अंगीकार मुंओ ते करेया जाओआ जेतेरा नतीजा उद्धार ए।



यूहन्ना 3:16,17

“कऊँकि परमेशरे दुनिया रे लोका ते एड़ा प्यार कितेया कि तिने आपणा एकलौता पुत्र देईता, ताकि जो कोई तेस पाँदे विश्वास करो, से नाश नि ओ, पर अनन्त जीवन पाओ। परमेशरे आपणा पुत्र दुनिया रे इजी खे नि पेजेया कि से दुनिया पाँदे दण्डो री आज्ञा देओ, पर इजी खे कि दुनिया रे लोक तेसरी बजअ ते उद्धार पाओ।

1 यूहन्ना 5:11-13

और से गवाई ये कि परमेशरे आसा खे अनन्त जीवन देई राखेया और ये जीवन तेसरे पुत्रो रे ए। जेसगे परमेशरो रा पुत्र ए, तेसगे अनन्त जीवन ए और जेसगे परमेशरो रा पुत्र निए, तेसगे अनन्त जीवन पनिए। मैं तुसा खे, जो परमेशरो रे पुत्रो रे नाओं पाँदे विश्वास राखोए, इजी खे लिखी राखेया कि तुसे जाणो कि अनन्त जीवन तुसा राए



यूहन्ना 14; 2 कुरिन्थियों 5; प्रकाशितवाक्य, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Baghlayani NT (bfz) This work is licensed under
Creative Commons Attribution-ShareAlike 4.0 License.

<https://www.bible.com/bible/2957/MAT.1.BGHNT>

©2026 Bible for Children, Inc.

www.M1914.org

www.bibleforchildren.org

